




Universitäts- und Landesbibliothek Sachsen-Anhalt

urn:nbn:de:gbv:3:1-848689-p0002-3

DFG



- 1 Edini Descriptio historica Familiae ab Alvensleben fecit
moriis, incrementis et memoriabilibus chagd.burgi 1681
Hermann Schmidma Historicum quod familiam ab
Alvensleben Spausch. 1727.
- 2 Pömanni Oratione pro persona et morte Cadolphii d. Mon.
eben. Genae 1610.
- 3 Sparlachii Epithalamium nuptiarum ad episcopat. Helm.
leben et Alvensleben a Schulerburg Helmstedt 1590.
- 4 Hoffneri Carmen in fer: paschale et Pascha magdeburg
Alvensleben dedit.
- 5 Heubnia Epidemiam Elii: a Schulerburg conj. sa
dolus ab Alvensleben Helmstedt 1605.
- 6 Strauer Prophesia in obit: Facetiam bild.
renseben Helmstedt 1588.
- 7 Waltheri Comment. de virginie Pforzheim
magdeburgiae chagd. 1729.
- 8 Ferscheni Elegia iobitum Memoria Schulerburg
- 9 Salzwedel 1581
- 10 Fieheli Carmen heroicum coena Schulerburg
dictum. Magdeburg 1584.
- 11 Petri Schulerburgi adoslibr. v. Magd: 1611
- 12 a Seden Epithalamium in nuptias Georgii a Schi
lenburg et Annae schulerburg 1599
- 13 Cappelli Nauclerii Thesaurus ad. Nat. hian de Schulerburg
Helmstedt 1594.
- 14 Chelisnata manibus coiniat Joannis predic
a Schulerburg chagd. 1611
- 15 Predikh über die Maieratsfolge in huiusq[ue] eben
proposito successione. Prædictio dicitur.

22

EPITHALAMION
IN HONOREM Nuptiarum
Antiqua nobilitatis prosa-
pia, virtute, & bonarum artium nec non exoticarum Lin-
guarum cognitione ac peregrinatione
ornatissimi Viri, Don:

GEORGII A SCHVLEN,
BURGK, HEREDITARII IN
DREBESSEN, SPONSI, DNI AL-
berti p. m. filij in Dambeck olim præsidis
veteris Marchiæ dignissimi,

ET NOBILISSIMAE AC
LECTISSIMAE VIRGINIS

ANNÆ A SCHVLEN BURGK
Doni. Levini à Schulenburgk, p. m. Ecclesiæ Cathedralis
Magdeburgensis olim Decani & Ecclesiæ Havelbergensis
Præpositi præstantissimi, relictæ filiæ, Sponsæ, quæ in arce
Arxleben ipsa die S. Catharinæ, quæ erit 25. Nouemb.

Anno salutis 1599. celerabuntur, pro felici
auspicio & pio omni scriptum
& oblatum

A

BALTHASARO A SEHNDEN D.

Vlyssæ Michael Cröner excudebat.

Neipe jam solitos mecum mea tibia versus,
Dum fundo alternis Carmina pauca modis:
Carmina cantemus, suaves urantur odores
Urantur sacris pinguia thura focis.
Sit procul anxietas, procul hinc dolor omnis abesto;
Adfint læticiæ sint pia vota pijs:
Expectata dies cum jam sua lumina tollat,
Quæ duo legitimus corpora necit Hymen.
Quæritur an socij felicia fædera lecti,
Num sit virginitas laude vehenda magis?
Res bona virginitas, cœlebs est vita probanda:
Coniugibus cum sint multa ferenda mala:
Coniugium remora est, quando horrida bella mouentur,
Quæ procul ex patriis finibus ire jubent.
Hoc probat Hipponax, quod fit mala fœmina ducta,
Sed bona fit quando contumulatur humo.
Fœmina, aqua atq; ignis tria sint mala sæpe vocanda,
Euripides siquidem comprobat illa mala.
Ergo malum certè capit hic, cui jungitur uxor,
Dicit is, absit honos, hoc tibi defit onus.
Sic quoq; post illos socialia Papa negavit
Fœlera coniugij: voce styloq; malo.
Laudat virgineam mentem merito, quid ad ipsum
Hæc laus? cui non est virginitatis amor.
Dum cleri mavult Veneris præcordia flammis
Vri, quam casti vincla Jubire tori.

vnde

Vnde cucullati monachi Vestae sorores,
Ordinibus variis grex malus unde venit.
Qui nihil in toto statuunt illustrius orbe,
Cælibe quam clerum confenuisse toro.
Sancta etenim cœlebs & spiritualia tractat,
Maxima sic summo cura placere Deo est.
Virginitas potis est sacris incumbere votis,
Et grata hæc Domino fundere vota Deo.
Econtra coniunx peragit mundana marito,
Vir studet uxori, ast hæc placuisse viro.
Hinc qui non norunt socialia fœdera lecti,
Vincula non quærant quæ sua colla premant.
Nam sunt multa molesta bono toleranda marito,
Quæ carnem macerant nocte dieque suam.
Degeneres fiunt nati, mox increpat uxor,
Murmure jam verbis obstrepit ausa viro:
Vel crispantis ab hac cernit fastidia nasi,
Vnde cadunt lachrymæ, verbera, parva quies,
Nec tangunt tantum privata cubile mariti,
Sed thalamos intrant publica damna suos.
Hinc libertatem, qua nil præstantius unquam
Plautus ait, vendit, liber & esse nequit.
Quisquis enim thalami jungit sibi lege puellam,
Mancipium mox fit coniugis ipse suæ.
Nam genus hoc vitæ nunquam per tempus initur,
Prima fuit qualis, talis habenda viro est.

Seu fatua, iracunda, procax aut dura sit illa.
Coniugis hæc donec tuta superstes erit:
Gordius hic nodus est Pastoris, solvere Doctor
Quem poterit nullus, fataq; nulla queunt.
Non etenim poterit salua ratione secari,
Aspera sola nodum bunc mors secat atq; glues.
Hinc melius Sophocles omnino ducere nullam
Vxorem, & nullam se sociare putat.
Nam rogo, quam duces? inquit, pulchramne puellam,
Aut hanc cui frontis ruga senilis adest.
Dic age? si turpis, τωιν; si pulchra ea, κοιν;:
Hinc duci in thalamum nulla puella potest.
Obducta melle ut nostras absynthia linguas
Condulcant primum, succus amarus inest.
Sic dulcis furor est, & grata insania virgo
Haud aliter distant fœmina, dulce malum.
Ergo cum ferens iungit duo pectora flamma
Res facit insani hoc plena furoris amor.
Coniugium quod sit res dura Simonides inquit,
Hinc veniat docto gratia nulla viro;
Mox etenim coniunx turbarum semina spargit
Instinctu Satanae, fons & origo mali:
Nunc numerat dotis fulgentia pondera & auri,
Iugera vel culti magna recenset agri,
Hinc audet stulte præscribere iura marito,
Nil licitum præter, quam facit ipsa putat.

Quod

Quod mens ingenua hinc non iudicat esse ferendum,
Et dominam verbis verberibusq; domat.
Ergo procul fugiat socialis fædera lecti
Coniugio abstineat, liber ut esse queat:
Magna etenim crux est, thalamiq; miserrima vita
Cum non constanter se vir & uxor amant.
Talia sic passim Græcorum plura leguntur,
Casta quibus saltem fæmina scomma fuit.
Accipe nunc igitur ter Mi præclare Georgi,
Quæ facit in thalamos vota Thalia tuos:
Hæc cantata quidem tenui sunt carmina plectro,
Nec satis exculta lusimus illa chely:
Tu tamen haud tetrico vultu doctissime spōse
Spernas, sed grata sumito parva manu.
O quam concinna sapiens Deus omnia lege
Condidit, atq; sui quæ monumenta dedit?
Num totam rerum seriem si mente revolvas
Ex uno verbogrande creavit opus:
Syderibus veluti varijs signavit Olympum,
Manda vitq; suas ire redire vias:
Sic Deus auspicio disponens cuncta secundo
Instituit casti vincula sanctatori.
Nam postquam ex terræ limo formatus Adamus,
Vitalem est nactus spiritum ab ore Dei:
Ipse feras inter solus spatiatus in horto
Non vitæ socium vidi adesse sibi.

Non est ergo bonum, Deus inquit, solus Adamus
Ut maneat, vita est huic facienda comes:
Nec mora, stertentis sumpsit de corpore costam,
Cui pulchræ formam & virginis ora dedit.
Mox par anymphon adest, Deus hanc adiungit Adamo,
Cordis ut unius costa verenda foret.
Copulat hæc igitur Domini duo corpora dextra,
Quæ fieri g̃ velit, talia voce refert:
Crescite & augete, hanc vestro de sanguine terram
Sub vestrum imperium cuncta creata dedi.
Sanguine de vestro mihi sancta Ecclesia crescat,
Quæ me perpetuo laudet amet g̃ Deum.
Sic Deus instituit casto sub fædere legem,
Ut subeant unum fæmina mas g̃ torum.
Sic posuit metas, & leges sanxit amori,
Vincula coniugij sic veneranda dedit:
Ne vaga suspectis errent incendia flammis,
Sed stabili duret pectori fixus amor.
Nam veluti mens casta Deus, sic pectora casta
Legitimo g̃ tori fædere iuncta probat.
At scelerum pœnas iustissimus exigit ulti
Illicitas flamas afficit ille malis.
Damnat hic, & fædes hostiliter edit amores,
Castus & impuras improbat ipse preces.
Dic mihi diluio pollutus cur perit orbis?
Propter adultery crima fæda sui.

Dic



Dic mihi Roma, tuæ quæ sit tibi causa ruinæ?
Inversum nomen cœca libido fuit.
Quid non tale monet clades iustissima Spartæ,
Stupratæ infandam virginis ulta necem?
Virginis ulta necem, quæ cum fuit hostibus hospes
Hospes ei contra durior hoste fuit.
Non opus exemplis majorum, scilicet huius
Vitarei speculum quotidiana refert:
Bella, famæ, pestesq; græves, pietasq; fidesq;
Extinctæ, pœnas rebus adesse notant.
Et meritò, quid enim vehementius oderit ille,
Qui sine peccato est, qui sine labe Deus.
Ergo coniugium vitæ sanctissimus ordo,
Et status hic felix cuius origo Deus.
Quem Deus æternus patrio dignatur amore,
Victu augetq; fovet, protegit, ornat, amat.
Quod probat exemplo se fata sinistra piorum
Dirigere, & patria velle levare manu.
In Canæ gratus cum factus mænibus hospes
Abluit egregio Nectare fontis aquas.
Haustaq; commutans in suavem flumina Bacchum,
Tale pium vitæ comprobat esse genus.
Ab miserum turpi qui concitus æstuat igni,
Immundoq; pium fœdat amore torum:
Scilicet hunc thalami gaudentem excedere metas
Hei quam dura Deo vindice pœna manet.

Rasa cohors igitur quanquam sua venditet amplis
Mentitæ ampullis vota pudicitiae.
Et contrà virus dirum vomat ore maligno
Coniugij in sacri iura probata Deo.
Nil tamen efficiet nugis, mentitur & errat,
Turpiter, haud metuit stupra & adulteria.
Spurcites lasciva Venus, vesana libido,
Cælibus hæc vitæ gloria summa suæ.
Coniugij hostem tantum se præstat ut esse
Sævior haud possit bestia fœda Papa.
Huic magis arridet resoluto vivere collo
Quam mandata tori vincula sancta pati.
Tolle tuas nugas igitur gens improba Cleri,
Coniugij summo vita probata Deo est.
Ite procul reliqui damantes vincula lecti,
Qui reprobant sociam, quam Deus ipse probat.
Fæminei sexus primus nam fautor & author:
Quod supra ex sacris nostra Thalia canit.
Perdita libertas dicunt, cum ducitur uxor,
Legitimo quis non sentit inesse toro?
Non est libertas in honesto more vagari,
Non est libertas degere more feræ.
Fæmina dulce malum, male dicitur esse, sed illa
Si bona: cur non sit dulce puella bonum.
Herba mala est, mulier, ut falso Accursius inquit,
Herba bona est mulier, quod sacra verba probant.

Qvaritur

Quæritur anne omnis sit talis fœmina? credas
Omnis qui spectes fallere sæpe solet.
Coniugij non culpa malorum tanta caterua
Quæ sæpe impendant coniugibus misericordia:
Peccati est, posito peccato pœna secuta est,
Mas patitur pœnam, quæ vicio attrahitur.
Et licet interdum diuini numinis osor,
Immittat thalamo tristia multa Satan:
Nil tamen hæc obstant modo mens ad sydera palmas
Tollat, & auxilium simplice corde roget.
Cum pia amansq; viri coniunx & mente decenti,
A Domino venit, sedibus aethereis.
Contingitq; illis qui pura mente verentes
Sæpius effundunt vota precesq; Deo.
Talia quod casta meditatus mente fuisti
Non levius est cœpti, candide sponse, tui,
Quod cohibus flamas vesani castus amoris
Dignatus thalami dulce subire iugum.
Desponsante Deo, connubia prospéra fiunt
In vito cedunt, omnia lœua Deo.
Cum novus Italicas lustrabas aduena terras,
Ille tuicustos sæpe pudoris eras.
Illecebras reprimens, & cœci philtrea furoris
Quam peteres sponsam Teutonis illa fuit.
Fama volat passim tam rari nuncia facti,
Et celebrat clarinomen opusq; viri.


Ergo

Ergo, Sponse, tua hæc, quam nunc habiturus es Anna
Iungetur lateri jam modo casta tuo.
Lux tua quam toties tibi spe votisq; petisti,
Ibit in amplexus casta puella tuos.
Anna latus pulchri pulcherrima virgo mariti
Cinget, ut ad solitum saltet & ipsa modum.
Cæsaries aurum facies niveumq; colorem
Vincit, & in toto corpore candor inest.
Quod cupis ecce capis, tibi vita carius ipsa.
Munus habes, thalami fida marita datur.
Læteris, gratesq; Deo promunere solvas,
Qui sponsam adducens mox par anymphus erit.
Sponsaq; te cupiet, suspireret & ardeat unum,
Schulenburgiaco sanguine virgo fata:
Numen inest sponsæ, fatale est nominis omen,
Nomina conveniunt, pectora convenient.
Palmite sed tenui veluti propago racemos
Explicat, & ramis multiplicata viget.
Sic tua se latè distendat, sponse, propago
Inclyta Schulburgi sit diurna domus.
Qui procul externas urbes, & regna petisti,
Clarus ab antiquo sanguine natus eques.
Lustrasti Italiam per tot discrimina rerum,
Gallia quicquid habet, Anglia quicquid habet.
Vnde tibi magnum est varios cognoscere mores
Exoticis linguis verba diserta fluunt.


Nunc

Nunc tibi cura domus fulvo præstantior auro
Sit cultus Superum & pacis amica quies.
Sit tibi Sol clarus, tibi sit rogo, lucida Phœbe,
Terra dabit fruges, Mildag, pisciculos.
Gratulor ergo tibi fortunam sponse benignam,
Atq; precor thalamo prospéra cuncta tuo.
Sis felix, nostriq; memor, te nostra viciſſim
Semper inoblitio pectore Musa feret.
Anna tori confors clari nunc facta Georgij,
Felicem prolem concipe, vive, vale.


F I N I S.







03.0001 001



AB 155 199

ULB Halle
004 841 417

3



TA 70L

09.2001 GJ,



Farbkarte #13

B.I.G.

Black

3/Color

White

Magenta

Red

Yellow

Green

Cyan

Blue

Centimetres

Inches

ALAMION
EM NVPTIARVM
BILITATIS PROSA-
rtium nec non exoticarum Lin-
one ac peregrinatione
mi Viri, Don:

A SCHVLEN,
REDITARII IN
SPONSI, DNI AL-
Dambeck olim præsidis
chiæ dignissimi,

ISSIMAE AC
MAE VIRGINIS

H V L E N B V R G K
urgk, p. m. Ecclesiæ Cathedralis
ani & Ecclesiæ Havelbergensis
elictæ filiæ, Sponsæ, quæ in arce
barinæ, quæ erit 25. Nouemb.
9. celerabuntur, pro felici
io omne scriptum
oblatum

A
DA SEHNDEN D.

1 Cröner excudebat.

22